



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1611. usque ad annum 1617

Fleury, Claude

August. Vind. [u.a.], 1777

VD18 90118898

§. 80. Fr. Didaci Nunno aliorumque ex Ordine S. Dominici scriptorum mors.

[urn:nbn:de:hbz:466:1-67313](https://nbn-resolving.org/urn:nbn:de:hbz:466:1-67313)

Sæc. XVII. insuper alia reliquit nondum typis edita
A. C. 1614. apud Fratrem suum Germanum Gratianum. Erat enim Hieronymus vastissima eruditione ac pene omnium Nationum linguis & literis apprime excultus, quem etiam S. Theresia suum Eliseum vocare solita erat.

Huic merito adjungimus P. Joannem a Jesu cognomento Rocca Catalanum, qui dum Hieronymum Gratianum adhuc Complutensis Academiae Theologum de Ordinis Carmelitani præstantia egregie perorantem audiisset, novæ Theresianorum Congregationi nomen dedit, atque ob egregias animi dotes omnes ferme Ordinis sui honores gradatim adeptus, a Gregorio XIII. & Clemente VIII. plenam a Calceatis separationem obtinuit. Scripsit commentaria in universam Philosophiam & tractatum de Theologia Mystica.

§. LXXX.

F. Didaci Nunno aliorumque ex Ordine S. Dominici Scriptorum mors.

*Eckard
 Script. Ord.
 FF. Prædicat.
 tom. 2.*

Celebres quoque Scriptores ex Ordine FF. Prædicatorum hoc anno decessere, quos inter primus erat Didacus Nunno Cabezudo Hispanus egregius gratiæ efficacis Vindex, qui per triginta annos in variis Castellanae Provinciae

vinciæ locis Theologiæ Professor Mo- Sæc. XVII.
 linæ propositiones a Padilla Jesuita ex- A. C. 1614.

positas acerrime impugnabat, easque præmissa correctione fraterna, incassum licet, tandem ad Sacrum Inquisitionis Tribunal detulit; obiit autem Segobiæ Mense Februario meritis, annisque gravis. Edidit *commentarios in tertiam partem Summæ Divi Thomæ* unacum tractatibus *de auctoritate Pontificis & Conciliorum, de indulgentiis, de auxiliis gratiæ Divinæ, & de Bulla cruciatæ.* Prodiit etiam post ipsius obitum tractatus alius in eandem partem Summæ Divi Thomæ Romanis literis excusus. Haud minori laude celebrandus est Seraphinus Capponius, qui inter literarum exercitia senescens, Bononiæ anno ætatis suæ septuagesimo octavo vitam beato fine clausit, cujus corpus jussu S. Rituum Congregationis refossum, integrum est repertum. Hæc autem sunt ejus Opera Venetiis edita:

- I. Veritates aureæ super totam legem veterem tum literales, tum Mysticæ
- II. Commentaria in Matthæum, & Joannem
- III. Scholia super compendium Theologiæ Alberti Magni
- IV. Tota Theologia S. Thomæ Aquinatis
- V. Elucidationes in summam Theologicam D. Thomæ tom. VI. Plura adhuc manu exarata posteris reliquit, quæ

Sæc. XVII. in Bononiensi Conventus sui Bibliotheca A. C. 1614. ca asservantur. Præterea ex eodem Ordine P. Petrus Bouquier edidit librum *de Sacrificio Religionis Christianæ ex S. literis comprobato* præter alios tractatus contra Calvinistas. Scripsit quoque Ludovicus Ystella commentarios in Genesim, exodum, & Evangelia.

§. LXXXI.

Quidam Societatis Scriptores hoc anno extincti.

Hunc annum nonnulli quidem, minus tam celebres Societatis Scriptores sibi exitialem habuere, ex quibus Joannes Haius natione Belga scripsit: *Quaternionem Evangelistarum, apparatus Evangelicum, & Triumphum veritatis*, quæ omnia Duaci typis edita prostant. Alter erat Sebastianus Heifsius natione Germanus, patria Augustanus, qui Ingolstadii annos natus quadraginta tres obiit: Edidit tractatus *de vera Christi Ecclesia, ejusque notis, de Ecclesia Triumphante, de Cultu Sanctorum, Purgatorium Lutheranorum, Dialogos de S. Eucharistia, & Apologiam doctrinæ Jesuiticæ*. Omnes hi tractatus Ingolstadiensibus literis excusi fuere: Dilingæ autem evulgata est Confessio Augustana ab ipso castigata contra Heilbrun-